



袁州府志

卷之三

城池

倉儲

袁州府志卷之三

城池

設險守國掌故是司郡古有城控山阻江民恃以
芘焉屬邑先後建築近歲尤亟修繕矣語云衆志
成城邠在德不在險耶

漢高帝五年大將軍灌嬰定豫章郡六年令天下郡
邑皆築城袁之有城或昉諸此按古圖經隋大業末
蕭銑陷城唐武德四年九月安撫使李大亮建築郡
城高二丈周回四百八十四步東南西南開壕濶七

丈北以江爲壕城外甃內土白露屋皆覆以瓦至長
壽二年刺史魏元表遷州治出城東北二百步開元
八年刺史房瑄以城基卑濕欲遷州治於江北袁山
之南建築城壘廉使慮其勤民俾仍舊遂展故城直
南二百餘步更諸爽塏剏立廨宇昭宗乾寧二年刺
史揭鎮築羅城一千五百餘丈又增築外城濬治壕
塹其後司空彭彥章展東南面城通舊計一千二百
七十二間僞吳乾正二年頓金知州事又於四郭城
門外置鋪柵羅城諸門以備守禦太和五年韋建又
築開羅城二百餘間濬壕五百餘丈後劉仁贍修東
南面子城悉用磚石宋大中祥符間修袁州圖經云
城周圍七里二十步高三丈八尺子城周圍一里二
百二十步高三丈七尺北枕秀江三面壕深四丈建
炎初升郡爲次要城池樓櫓務令堅險仍給牒許勸
有力者入貲以助知州事汪希旦治中間丘冢葺舊
城一新之城基周三千三百一十五步高增置二丈
女牆三千五百敵樓戰柵五十總六百五十間阮閱
記開禧間知州事羅克開復增治張嗣古記其後知

州事鄭自誠李觀民方岳皆嘗繕修元仍宋舊至正壬辰末爲天完將歐祥所據壬寅始納款於明洪武四年知府劉伯起增修城堞浚壕立柵柵四門城樓門外增修月城覆以串房間以箭樓天順七年水溢城圯知府劉懋同指揮石旻邵琦等繕修弘治六年南門壞知府王俊重修正德七年東西二門月城圯知府姚汀重修正德九年城西門樓屋俱壞知府徐璉增修城串樓一千七百餘間各置柵欄堦口四千餘箇又置板格防範周密人不能越正德十五年城

東北隅傾圯知府羅輅重修編修嚴嵩記嘉靖中知府范欽劉廷誥袁襲裳以修治串樓爲費不貲且非城制先後請於上官乃撤去串樓戮馬道以甃編修張春記歲久又圯萬曆中知府鄭惇典遍加修葺增高雉堞重新城樓嚴兵曉夜添設四兵馬司萬曆己未北門外東西月城并水耳門領圯知府黃鳴喬重砌河岸上造城垣圍門等屋左右月城屹然改觀崇禎庚午辛未知府田有年因永新冠警增修城垣丁丑冬臨藍流賊數千自楚潰萍乘勝東下知府解經

達推官陳墳先期告急時督撫解學龍檄守道郭必昌巡道王庭梅各以臨吉兵會自督兵三千人爲之後未至賊已抵城下掠附郭數十里鄉紳袁業泗潘士聞等登陴拒守者半月謀獲賊內應趙大春等斬之城上翌日省兵至因塘撥失悞遽深入反爲賊敗西北兩門雲梯並進城中多方堵禦而萍合程之敦以失城乞師於楚得辰兵五千人來援城始獲全癸未秋獻賊陷長沙萬載天井窩有奸民丘仰寰盧南陽等先應賊悉衆來攻知府霍子衡知縣朱茂暲嬰城告急巡撫郭都賢移鎮袁州聞賊至旋南昌吏民竄匿城遂空浹旬丘賊乃至左帥副將吳學禮督兵五千自潯來禦賊遁班師而獻賊十數萬以十月二十五日自吉而袁踞郡城僞署官屬殘掠甚慘十一月二十五日左帥鎮將馬進忠王允成等督兵至賊卽還楚左兵淫殺百倍於寇至乙酉署府事推官廖文英同知李時興稍葺城爲守備五月

國朝定江西先諸將若謝騰雲蒲纓及黃朝宣等五營迭據袁城九月提督金聲桓遣副將何鳴陞蓋遇

時等先後克袁未幾楚帥黃朝宣自燕子窩督兵數萬來攻營城西鳳皇山築土城開濠爲持久計進逼北城順治三年正月金聲桓遣白副將來援朝宣解圍去五月鎮將郭天才拆民屋置甕城增修敵樓時環袁皆兵搶掠至六七十里兼連歲奇荒白骨山積五年正月金聲桓叛節遣鎮將湯執中蓋遇時及自號義旗者衆不下數十萬分踞郟城互相吞併廬舍蕩析無遺五月執中南下十月遇時西奔袁城復空十一月三關棚賊率衆據城六年正月譚大將軍遣

兵恢復九年十月湖南兵潰自石衝袁所過陽橋塘等地方搜掠一空袁協康時昇告急檄潯鎮兵數千營西關外未見敵大掠而去城以疊遭兵寇更連年洪水東西北一帶頽江者岌岌傾殆知府吳南岱推官王延禔後先修築康熙三年四月十七夜霖雨爲災北門城圯入江潭計二十八丈五月守道施閏章知府李芳春等詣潭祭告遴匠興築重修四門城樓暨週圍梁口備造箭簾守具四年六月始竣工詳郡守李芳春記時總督張公朝璘巡撫都御史董公

衛國布政使余應魁右布政使陳弘業按察使蘇銑
守道施閏章協鎮許壯猷知府李芳春同知孫席慶
推官鄭燝都司董正已知縣董義行等各捐助有差
城四門東曰宜陽舊名安仁通分宜縣西曰萍實通萍鄉
縣南曰大仰舊名神通通仰山古廟北曰袁山通萬載縣
而袁郡遂安然樽俎屹若金湯矣

宜春縣

附府

分宜邑治居郡下游八十里南接安城通楚茶攸爲
郡東鎖鑰縣舊無城明正德七年知府姚汀知縣蕭
時寔始興城役然計於財力東西北三面以甃爲
高僅丈餘厚不及三尺南濱水惟稍壘石堤列木柵
其上嘉靖戊午旁郡寇起兵部疏請郡邑皆宜築城
巡撫都御史何遷謂分宜舊城隘且不堅非所以戒
不虞也遂度地計工視舊址加闢檄知府季德甫統
理知縣戴廷忭董役己未十月營始庚申三月落成
東自萬年橋迤北至西臨河水巷長四百七十六丈
高一丈八尺基廣一丈二尺面八尺南面河岸自西
徂東長三百二丈民居叢逼不可城乃自河底積石

高三丈四尺上與岸平加女牆六尺舊城門四後增
爲五東曰仙臺通新喻西曰昌峽通宜春南曰清源
通安福北曰袁峰通萬載稍西北曰小北門城樓五
座水關二道少師嚴嵩助修至崇禎丁丑楚寇至官
民力守城獲全第南瀕江高廣稍遜他城易傾地入
國朝知縣江載清吳大相相繼迭修康熙三年五月
奉總督張公朝璘行縣修城守道施閏章知府李芳
春等各有捐助檄知縣朱彙加高女牆新修馬道復
於五門下各建營房一間爲架夫止宿處啟開稽察

庶稱便焉

萍鄉縣舊無城明正德七年羣寇數起知縣胡佩始
築土城十二年知縣高桂修嘉靖三十七年知縣楊
自治修四十二年知縣蔣時謨架木其上覆以瓦萬
曆三年知府鄭惇典重修又甃河潭坊城百丈檄知
縣黃臺督之舊土城惟週西北其東南南民居環匝濱
河未城十一年巡撫王宗載議建磚城檄本府同知
陶之肖知縣沈校董其役功未成而圯十二年都御
史馬文煒檄同知陶之肖署縣事親督之遂培石基

拓馬道周九百一十八丈五尺高一丈五尺濶九尺
立四門東曰來陽南曰達秀西曰連湘北曰通楚又
有小西門以便民往來東門加設三小門以便汲道
儒學前復闢禹門以挹風氣建木欄其上十三年知
縣姚一理慮城基凌水易齧又沿江增築護城石隄
延袤百餘丈高五尺濶如之城得輔趾民便通行迄
崇禎丁丑臨藍入寇癸未張左屠戮嗣以乙酉鼎革
袁署鎮郭天才與楚將黃朝宣格鬪萍境城郭丘墟
丁亥奇荒疫癘戊子寇起萍鄉幾穴狐兔國朝順治
九年知縣吳興祚始駐萍邑葺城建署繼知縣刁之
裔增修知縣臺瞻斗招撫關壑漸復古觀

萬載縣舊無城明正德六年孳林盜起知縣陸璫度
地建城功未竟以調忝八年知縣王甸立子城三門
曰雙虹勝蹟南浦十三年知縣張邦毅復置土垣架
木覆瓦高丈餘下廣一丈四尺上廣八尺延袤計一
千二百三十一丈立七門東朝京南南浦西錦衣北
龍江後曰小北門小南門小龍江門惟龍江塢石江
隔流域不相續一砌石橋一列木柵以聯比之未幾

水決嘉靖元年知縣盧秉章重創石橋左右設二小門一通大北門外水次倉一通龍河渡今呼爲龍河哨於木柵右開小門通東岐等處今呼爲仁和哨又名塢溪哨年久傾塌二十一年知府范欽知縣李參修門四東曰通吳通上高西曰適楚通萍鄉南曰朝陽通宜春北曰拱辰通高安四十三年署縣推官郭諫臣重修萬曆初知府鄭惇典前後檄知縣徐一唯陳王廷修創門樓上更其扁東曰迎春西曰適楚南曰萬春北曰望闕嗣以知縣盛廷效及署邑教授鍾以在次第修葺易以磚石仍建四門東曰元生西曰利收南曰亨育北曰貞藏各小門如故已復圯十五年六年因李大變興變後知縣張履中四十二年知縣論應祥四十六年知縣姚繼舜天啓五年知縣石柱國崇禎二年知縣李世瑀並有修築旋築旋圯以管年易土爲石新舊不粘中無亂石幾砌水固龍河塢溪二哨尤當水勢要衝萬曆間水決塢溪木柵不時更換其龍河石橋邑廩生譚經濟捐金重修改三洞爲一以殺水勢崇禎五年流寇禍延吉甯知府田有

年檄知縣章明傑修葺塢溪木柵易爲石柵龍河重
建左關麗薰八年五月久雨未葺城垣復地壬午癸
未天井窩賊起至陷郡城連年用兵城隍木柵不
國朝鼎定未幾修葺康熙三年五月知府李芳春
行按閱請於巡撫都御史董公衛國守道施閏章知
縣范廷鳳等共捐貲有差塢工修葺樓櫓仡然南
龍河塢溪三處設立木柵防禦具備詳李芳春記

公署

郡署創建歷代增新後海羅兵燹非管觀矣

有毀志感也亦重民力也由治而有教故次學校
文修武備次兵衛倉儲以厚民皆王政所繫也併
志之

府治在城稍西北南唐保太二年刺史劉仁贍作州
廨立廳堂齋閣譙樓賓館武庫吏舍東西畧備總
六百餘間後呂延真再加葺治宋景德間知州事
楊侃增修建炎三年知州事汪希旦重建戟門淳
熙四年知州事張杓再新之嘉定十二年知州事
滕強恕修譙樓并創頌春宣詔二亭元至順壬申

路總管錦州不花畧加繕修歐陽玄記明初改路
爲府治仍舊永樂正統間知府朱瓚姚文繼修弘
治癸丑知府王俊建後堂正德壬申知府姚汀新
正堂同知黃信繼董其役正德癸酉知府徐璉至
落成甲戌改建經歷炤磨二廳於正廳之東西移
永積龍亭二庫以輔後堂其兩廊卷房完飭一新
皆知府璉庀其事萬曆乙卯知府汪得時復以府
前湫隘析布政司拓數十丈樹大屏牆於外愈見
軒豁

正廳 明知府鄭惇典重修崇禎壬午火燬
國朝康熙三年知府李芳春重建有記

昌黎堂 正廳後

經歷司 正廳左壬午火
炤磨所 正廳右壬午火俱

司獄司 府治前唐刺史劉仁瞻建明知府朱守仁
王俊范欽修鄭惇典清出官巷以便夜巡

乙酉春爲鄰豪占毀順
治戊戌推官鍾琇清復

六房 東吏戶禮架閣庫
西兵刑工承發司

永積庫 正廳
後東 龍亭庫 正廳
後西

土地祠 後堂右知府范欽改儀門外年久毀壞
康熙七年三月內知府李芳春重修

吏舍 六十二間在正廳西南
明知府鄭惇典建今毀

戒石亭

廳中道碑即宋太宗書孟杲命箴語

知府廨

正堂之北前後有廳二所及東西書館知府鄭惇典修建

同知廨

正堂東面袁山北向明萬曆中同知陶之肖重修構亭引水以供燕對

通判廳

同知廳東亦北向舊慶豐堂基明正德六年通判錢士宜徙居於此今奉裁

推官廨

正堂東亦北向

經歷廨

舊在正廳右後改建儀門之左

知事廨

舊在正廳西南後改建儀門東毀

炤磨廨

舊在推官廨左後後改建儀門東

檢校廨

舊在正廳東南後改建正廳西嘉靖庚申知府李德甫復改建舊址今毀

延賓館

明嘉靖間知府李德甫建鄭惇典康熙七年知府李芳春重修

儀門

五間

頭門

三間知府鄭惇典修

榜亭

左右三十二間今存十不一二

申明亭

外門左

旌善亭

外門右俱知府鄭惇典修今俱毀

譙樓

府治東宋嘉定間郡守滕強恕建築臺為樓五間原置銅壺一座并夜天池日天池平壺

萬水壺水海影表定南針添水桶更籌漏箭鐵板鰓角設陰陽生輪值候籌報時明嘉靖

癸卯毀乙巳知府徐禎重建萬曆中知府鄭惇典加修復訪精術料理如初更漏復得分

明扁日迎曦樓顯祀袁天罡居民祀五顯神其上歲久漸圯國初盡毀康熙丁未郡守

李芳春重建為一郡大觀

宣化樓

府治西元延祐六年袁州路總管王禮建今毀

稅課司 府城北下水關 嘉靖戊午裁 陰陽學 布政分司西明知

醫學 府治東湖西道前明 知府徐璉修今毀

僧綱司 在袁山門外崇 勝寺側今毀 道紀司 在宜陽門外 崇福觀今毀

秀江驛 在縣學右明洪武間知縣孫仕敏 建後改東關知府鄭惇典修今毀

察院行臺 在府署東舊為廉訪分司明知府劉伯 起徐璉先後改修嘉靖二十一年知府

范欽新之萬曆間 知府鄭惇典重修

布政分司 府治南舊宣詔亭明知府何澄改 建知府劉懋王俊重修今久廢

湖西道 府治南明嘉靖十五年僉事周 相建二十二年知府范欽重修

兵備道 在府治東南宜春臺下明嘉靖末年因闕 廣流賊雲擾臨吉開議拓軍器局址初建

公署移吉安兵備鎮守盜 平復移吉安公署今存

公館 在報恩寺殿後嘉靖間知府范 欽即僧屋改建以寓賓旅今毀

南府 原嚴氏故宅籍沒 後改行臺今毀

老府 原嚴氏忠弼堂籍 沒後改行臺今毀

宜春縣治在府治北初在郡治東城內隋大業二年

移於州之東七里宋紹興三十一年邑宰胡安老

始徙於城內善政坊元季兵燬明洪武三年知縣

仲時舉以舊址陘隘遷於府治北開元寺廢基即

今治

正廳

幕廳正廳西

節愛堂

正廳後明嘉靖乙巳知縣凌汝志修

知縣廳

縣丞廨廳左以俱存

主簿廳

廳右今奉裁

典史解廳左前存

六房

吏舍廳右三十間盡毀

庫房

幕廳後一間

縣獄

儀門內西六間明萬曆中知縣曹信重修

土地堂

儀門外東

賓館

儀門外西

縣門

三間國朝知縣陸柄謙重建

申明亭

門右現存

榜亭

三間

河泊所

在信義鄉明正統間裁革

在石裏鄉明景泰三年裁革

澗富嶺巡檢司

在集雲鄉安福接界為郡東南害因地荒寂官常潛住府城明

督六年知府鄭惇典建責其居守今久毀國朝順治十八年巡檢趙士元重建

黃圃巡檢司

在石裏鄉距縣百里為郡西要害明洪武初立今久毀國朝順治十五

年巡檢魏映奎捐資重建計正廳房屋共拾間

分宜縣署宋雍熙元年析宜春地置縣濱秀江景祐

丙子大水邑宰王揆建大門長樓架閣卷籍以備

水患淳祐間邑令李宏規修元季燬於兵明初知

縣張仁主簿桑以時重建弘治三年知縣曹忠新

正廳正德七年知縣蕭時賓新公廳并後堂嘉靖

乙巳知縣申思夔重建萬曆乙酉知縣周應治修

正廳 幕廳正廳右

敬事堂正廳後 知縣廨敬事堂後

縣丞廨敬事堂左明天 主簿廨敬事堂右

典史廨主簿前 六房順治十三年俱毀

吏舍二十四間 龍亭庫正廳左

庫房正廳後 縣獄儀門右

土地堂儀門左 儀門五間

蕉樓即縣大門知 申明旌善二亭

陰陽學湖西道左 醫學邑東十五步毀

僧會司 道會司在上真觀毀

安仁驛舊在湖西道東明嘉靖丙辰知縣許從龍議遷於東門外後又移入邑西崇禎間驛

布政分司邑東四十步今毀 湖西道邑東三十五步毀址存

府館明弘治五年知縣曹忠改建今毀 察院行臺存

教場舊在邑東後改於邑北西磯岡東嶽祠廢址亭一間毀

萍鄉縣署始建歲月無可考唐武德中唐萼為令嘗

營治之宋建炎己酉燬於寇視事僧舍紹興丁巳
 邑宰郭濤重建元改為州治至正壬辰復燬於兵
 明洪武三年知縣趙葵仍舊基建即今治萬曆乙
 未知縣陸世勤重修崇禎末兵寇克斥廳署俱燬
 國朝順治癸己知縣吳興祚仍於舊治創建嗣知縣
 刁之喬余士聰臺瞻斗相繼增修漸復舊觀

正廳 康熙三年知縣
臺瞻斗重建

幕廳 正廳
東

用中堂 正廳
後

知縣解 用中
堂後

縣丞解 用中堂
左今裁

主簿解 用中堂
後今裁

典史廳 用中堂
前左

六房 順治乙未知
縣刁之喬建

吏舍 一十
八間

架閣庫

龍亭庫

縣獄 吏舍後
十八間

土地堂

儀門 康熙三年知
縣臺瞻斗修

頭門

申明旌善二亭

榜亭 十五
間

禁鐘亭 寶積寺前明洪武六年知縣李順英建正
德中知縣高桂修銅壺萬曆乙未署縣通

判陳啓
孫重修

陰陽學 邑治
右

醫學 邑治
左

稅課局

邑治西萍實橋下一在大安里今俱裁革

僧會司

在寶積寺

道會司

在真聖觀

大安巡檢司

邑東九十里

安樂巡檢司

邑北九十里

州市巡檢司

邑西八十里今俱毀

布政分司

邑治東明萬曆間知縣姚一理陸世勣重建

湖西道

邑治北俱毀

府館

邑西明弘治通判胡珏建今毀

宣風公館

在宣風鎮即古宣風驛明萬曆三年知府鄭惇典再建後廳二十一年知縣陸

世勣重建前廳

蘆溪公署

舊無公署權以濂溪書院為接應過客之所明萬曆六年知府鄭惇典暨署縣

同知陶之肖議將蘆溪舖餘址拓建乙未知縣陸世勣修

教場

邑治西門外萬曆二十二年知縣陸世勣建亭

營房

一在縣西六十里插嶺舖袁楚交界最為要害明嘉靖己未知縣楊自治創建左右置關

門跨道甲子知縣蔣時謨請移州市巡檢司防守萬曆中知縣陸世勣條陳重修今毀

一在西關外崇禎丁丑臨蓋寇害萍城失守寇退後知府解經達署縣推官陳瑣於己卯

歲建守備府及營房數十間今毀國朝防守俱借民房知縣鄧天士於康熙元年

建茅屋二棟於預備倉空地暫為營署

萬載縣署在城西龍山下吳黃武中置縣晉太康中

遷縣治東二十里明洪武甲辰知縣趙中移今所

成化間知縣陳璨黃珙相繼重修

國朝仍舊治年久俱毀康熙五年知縣范廷鳳重建

正廳

幕廳正廳西

後堂

後有嚴忠亭宸後有正人軒

知縣廨

正廳後

縣丞廨

知縣廨右今裁

主簿廳

縣丞廳右奉裁

典史廨

主簿廳前

六房

吏舍

一十八間

架閣庫

龍亭庫

縣獄

在榜亭後五間明嘉靖間石塘耆民龍昇通捐貲修及鑿井濟渴

土地堂

儀門

五間

譙樓

即縣大門

申明旌善二亭

榜亭

東西一十三間

陰陽學

邑治南今為民地

醫學

署於惠民藥局

稅課局

邑東明洪武初建景泰十年裁

僧會司

在崇信寺

道會司

在廣報觀俱毀

鐵山界巡檢司

邑西一百二十里瀏易界明知縣韋明傑移遷株柱潭有建巡司議

布政分司

邑治南崇信寺傍

湖西道

邑治東儒學右

府館

邑治東淨安寺右明知縣張文易民地立

教場

南浦橋外知縣張文建橫直各一百丈亭三
間朽廢知縣張邦毅復建更名演武崇禎二
年知縣李
世瑀修

新建兵營

在萬載縣北一百二十里地名黎源明
萬曆三年寧新山賊猖熾知府鄭惇典
檄知縣徐一唯督兵擒勦境內始寧萬曆五
年議立大寨一所左右營房十間增築上萍
營房五間以衛之
置所官一員今毀

學校

輔世興俗教學為先袁學以吁江一記特聞天下
節槩勲名後先相望迄今絃誦之聲猶浹林谷其
流風遺澤之所蒸被有由然矣

府學唐天寶五年太守房瑄始立夫子廟於城北門
外五十步乾元元年刺史鄭審移城內郡治西四
十步大曆改元蕭定修廟仍改造夫子及十哲像
大中九年刺史温璠復於房瑄之舊南唐保大十
年刺史李徵古又移於郡治西南三十步宋景德
三年詔諸郡於廟中起講堂聚學徒選儒雅可為
人師者教焉郡守楊侃奉詔築學館於西建齋於
東自為記慶曆中又詔郡縣興學知州事李詵置
州學房錢以贍學徒教授徐正夫記皇祐五年知

州事祖無擇以舊址陘隘乃改營於州治東二百步今學是也盱江李泰伯觀為記京兆章友直篆額河東柳洪書丹世稱三絕熙豐間館閣第天下學記以袁為冠政和二年教授鄭王賓新戟門禮殿自為記紹興九年知州事陳煇重新張九成記淳熙五年知州事張杓又新之更教堂為明倫有閣曰稽古以藏書改創四齋於明倫之側曰集義明善思敬克已前有池池有井亭曰風雩曰采芹慶元間知州事其自任高詠之重建大成殿嘉定間教授虞

達煥築堂於池之東曰叢桂進士題名題焉鄭守自誠增修禮器教授孫禮輿記元至治壬戌郡守完顏命教授呂申孫創碑亭於學門之右至元五年路總管張熙祖建尊經閣於講堂之北奉夫子燕居像於閣移李泰伯學記刻於堂中虞集記明洪武六年劉守伯起重建閣置四齋洪熙元年知府周鐸重建大成殿越五年災惟尊經閣厨庫廩舍僅存宣德八年知府何澄重建祭酒胡儼記天順間知府劉懋以盱江學記兵燹刻石重剞於戟

門右成化間知府常顯復修太常鄉吳節記弘治
壬子知府王俊以舊學在廟後隘弗稱乃大規度
之左廟右學宏偉壯麗尚書林瀚記知府朱華增
桂香樓五間同知賈澄增修樂器嘉靖元年知府
劉弼濬泮池移東湖石筍置學門外尋塞萬曆三
年知府鄭惇典復大濬之護以木石重欄且周視
殿堂廡舍悉行修葺重鐫盱江學記及修補祭器
樂器之缺失者具尚書朱衡記年久地壞三十七
年知府汪若冰重修都御史鄒元標記四十六年
黃鳴喬修嗣知府王猷濬改學溝崇禎己卯知府
解經達重修後兵寇交橫牧馬蹂躪

國朝順治中知府吳南岱推官王延禔先後新之乙
未督學趙函乙捐金補葺康熙五年明倫堂圯守
道施閏章知府李芳春等捐資重建郡人袁繼梓

記

先師廟

舊名大成殿明嘉靖九年改先師廟今仍舊名

歲春秋二仲月上丁日有事於先師廟則先祭
啓聖祠後舉廟祭

國朝重道尊師一仍明制以復聖顏子宗聖曾

子 述聖子思子 亞聖孟子配享

東西十哲

先賢閔子名損先賢冉子名雍先賢端木子名賜先賢仲

子名由先賢卜子名商先賢冉子名耕先賢宰子名予先賢

冉子名求先賢言子名偃先賢顓孫子名師

東廡先賢

澹臺滅明 原 憲 南宮适 商 瞿 漆雕

開 司馬耕 有 若 巫馬施 顏 辛 公

孫龍 遭 邴 秦 商 顏 高 壤駟赤

石作蜀 公夏首 后 處 奚容蒧 顏 祖

句并疆 公祖句茲 秦 祖 縣 成 燕

伋 樂 欬 狄 黑 孔 忠 公孫蒧

顏之僕 施之常 秦 非 申 橫 顏 澮

凡三十三位

東廡先儒

穀梁赤 高堂生 毛 萇 后 蒼 杜子春

韓 愈 程 顥 邵 雍 司馬允 胡安國

楊 時 張 栻 陸九淵 許 衡 凡十四位

西廡先賢

宓不齊 公冶長 公皙哀 高 柴 樊 須

公西赤 梁 鱣 冉 孺 伯 虔 冉 季

漆雕徒父 漆雕哆 商 澤 任不齊 公良

孺 公肩定 鄒 單 罕父黑 榮 旃 左

人郢 公西與如 鄭 國 原 亢 陳 亢

琴 張 步叔乘 凡二十九位

西廡先儒

左丘明 公羊高 伏 勝 孔安國 董仲舒

王 通 周歆願 歐陽修 張 載 程 頤

胡 瑗 呂祖謙 朱 熹 蔡 沈 真德秀

薛 瑄 陳獻章 胡居仁 王守仁 凡十九位

啟聖公祠 明嘉靖九年詔兩京國子監天下府州縣立啟聖公祠

啟聖公 名叔梁紇 以

先賢顏氏 名無繇 曾氏 名點 孔氏 名鯉 孟孫氏 名激

先儒程珦 朱 松 蔡元定 配

名宦祠

鄉賢祠 二祠氏名載祠廟志

春秋祭品 係錄明會典

啟聖公祠

省牲 羊一豕一兔一
陳設 羊一豕一爵三登三銅一簋簋各二酒尊
一盞豆各四香案一香爐
一燭一對 七配兩廡同

先師廟

省牲 羊三豕九鹿一兔十
陳設 羊一豕一爵三登一銅一簋簋各二盞豆
各八酒尊一筐一帛一白色長一丈八尺香案一
香爐一燭一對

四配 酒尊共羊一分作四分每位一分豕一分作
四分每位三登一銅二簋簋各
二盞豆各六筐一帛一白色長一丈八尺香案一
香爐一燭一對

十哲 酒尊共豕一分作五分每位一分篚各一帛
一盞豆各四香案一

香爐一燭一對

兩廡 各四位一壇中總設香案一香爐一燭一對
酒尊一豕一分作五十四分每位一分篚一

帛一白色長一丈八尺每壇
爵四簋簋各一盞豆各四

祭器總數 係錄明會典

祝板一爵一百五十七登五銅二十簋四十一
盞四十一盞一百八十四豆一百八十四篚九
竹爲之酒爵五酒尊五酒尊桌三上作三孔帛
匝八香案十七大小木槩二百一十一徑一尺
深二寸足高半寸供桌四十三毛血盆八瘞毛
血盆八悅巾三冪巾五盥洗盆架各三滌牲桶
八鍋八粉盆一庭燎隨用
以上祭器庫收貯不備卽補造之

籩實 籩以竹爲之容四升

左列

形鹽 藁魚 棗 栗 榛 菱角 芡 即雞頭蓮

白餅 白麵造 黑餅 蕎麥粉造 粉粢 糯米粉造

豆實 豆以木爲之容四升 右列

韭菹 以韭切太本末用中四寸 菁菹 芹菹 筍菹 鹿醢

醢醢 猪肉餈用醢酒料物調造 兔醢 猪鬐肉 脾胙 用牛百葉

切細湯熱 糝食 用牛羊豕肉細切糝米餈同熬

簠實 簠瓦器外圓內方有蓋刻龜形

黍 稷

簋實 簋瓦器內圓外方受一斗二升有蓋亦刻龜形

稻 梁

登實 登瓦器如豆徑尺八寸高

大羹 猪肉汁不用鹽醬

鉶實 鉶瓦器

和羹 汁用菜料和者

附載本府舊設祭器樂器并樂章祭物

祭器 銅花瓶 香爐 全銅雷罇 一有蓋杓 銅牛 一銅象 一銅簠 五十九銅簋 五十九銅鉶 二十五大爵 盞 三銅小爵 盞 一百八十一銅燈 擎 五錫盆 五錫鑊 四錫香盒 九祭器櫃 一籩豆 二百七十二幣帛

匣十二大燭架四牲匣六牲匣架六燈籠二十一
 鐵燭臺八十八鐵香爐三十五祝牌二樂器黃絹
 帳一紅絹龍幡一黃絹鼓帽一鼓帽竹格一旌二
 旌架二搏鼓二搏鼓架二琴十瑟四銅鍾十六石
 磬十六祝一簫四笛四篪四塤四飛鳳八黃鵝二
 獅子二敵一歌工十人此堂上之樂籥管三十六
 翟羽三十六舞干三十六舞生三十六人此堂階
 之舞樂章迎神大哉至聖道德尊崇維持王化斯
 民是宗典祀有常精純並隆神其來格於昭聖容
 奠帛自生民來誰底其盛惟聖神明度越前聖粢
 帛具成禮容斯稱黍稷非馨惟神之聽初獻大哉
 至聖寔天生德作樂以崇昔祀無斁清酌惟馨嘉
 牲孔碩薦羞神明庶幾昭格亞獻終獻百王宗師
 生民物執瞻之洋洋神其寧止酌彼金壘惟清且
 旨登獻於三於嘻成禮徹饌儀象在前豆籩在列
 以享以薦既芬既粢禮成樂備人和神悅祭則受
 福率邁無越送神望瘞有嚴學宮四方來宗恪恭
 祀事威儀雍雍歡格惟馨馨神馭還復明禮斯畢咸

膺百福祭物帛九段每段計四尺八寸羊二豕六
 鹿一兔二香燭酒黍稷稻粱棗栗棗棗棗棗棗棗

芹菁道藁魚魚醢
 醢醢鹿醢兔醢脯

櫺星門 戟門

宰牲房

明倫堂 門外有石一片高一丈餘偉峭
 秀拔相傳是唐盧狀元家物

神厨

神庫 樂器久壞嘉靖丙午
 知府徐禎重建今失

舊四齋 進德育材
 儲秀典賢

膳堂

號房

尊經閣

公廨

學倉

學基

步明萬曆間知府鄭惇典重為查復

射圃

敬一亭

文昌閣

明嘉靖九年奉制建以貯肅宗所註四箴及心箴碑石各學同明同知李瀚建郡人袁業泗記第閣基占塞水道知府黃鳴喬開濬依月池舊溝改

可免水患閣前右流學中

學田

明萬曆三十七年知府汪若水買民田二十九畝在集雲鄉地名宜溪歲收子粒六百餘

不申報除納糧外餘入學課士公用袁業泗碑記萬曆四十四年守道郭鳴雷又買信義鄉

民田五十八畝地各變換歲收租一千餘桶不報學道除納糧外餘作三分府二縣一以濟貧

生暨立石碑於戟門外計糧私之數又巡撫徐杖往年將嚴氏籍沒田產作入學田原係宜春

縣收掌縣報循環

宜春縣儒學舊附於州學西偏夫子廟在城東門外

淳熙間邑宰柯春卿始遷於秀江之北基乃盧肇

故居也魯賢稱其遠而春臺近臨秀水西橫畫舫

東峙盧洲稱人文與邑創大成殿設講堂曰開絃始與廟合開禧元年邑宰司馬翹創齋四曰

居仁由義

近思嘉定三年邑宰姜允復立講坐增職事位環

以廊廡八年邑宰王洙以其地深窳乃遷築殿宇

改創戟門櫺星門近挹山川之秀講堂序舍皆仍

舊殿後有盧公墓沼築亭其上因以名之堂前有

亭曰詠歸乃舊戟門元季兵燬明洪武七年知府

劉伯起建大成殿兩廡櫺星戟門明倫堂東西二

齋知縣孫士敏刻魯司寇象立石殿內正統七年

知縣姚文建敦教堂張益記成化庚子署縣事經

歷鄧璘重修胡榮記正德七年知府姚汀通判錢

士宜鼎勅大成殿十年知府徐璉建堂齋廡舍外

門壘石隄江築輿賢樓自為記嘉靖間知府王卿

重修丙午春知縣凌汝志重修己酉間知縣徐棧

又新啟聖祠藏書閣築射圃建亭歲久漸圯萬曆

四年知縣曹信重修戟門屏牆易甃以磚石易可

久記四十六年知縣廉養貞復修崇禎丁丑寇亂

踐汚壬午知縣朱茂暉重葺不足當兵賊萬一

國朝順治十年教諭范謨上狀都縣漸次修復康熙
六年郡守李芳春同知夏毓龍知縣陸柄謙教諭
金玉書各捐助有差七年十月內重修工竣煥然

一新

先師廟

東西廡

啟聖公祠

祀典俱與府司

櫺星門

明知縣錢文薦廉養貞重
國朝教諭范謨修

戟門

明萬曆丁丑知縣曹信砌石

宰牲房

明倫堂

門外有石臨江高二丈餘
峻秀玲瓏亦盧狀元初

神厨

神庫

舊二齋

進德育材

尊經閣

膳堂

學倉

久廢

學基

東西二百步南北二百五十步

射圃

廣一百二十步袤三十步亭曰觀德

屏牆

明萬曆戊寅知縣曹信修

文昌閣

興賢樓

閣在學左面臨秀江一水直瀉明知縣黃洽中
羅仁方用形家言次第建樓閣以砥柱之且遠
接盧洲渙藻迴瀾與峯錯繡歲久傾墊萬
曆庚申知府黃鳴喬等飭工完美今毀

敬一亭

制與府同

藏書閣

明知縣徐栻建

秀江書院

明少師嚴嵩忠弼堂瓊翰流輝樓籍沒入官巡撫允府議作書院課諸生即五

賢祠
今毀

昌黎書院

即唐韓文公祠久毀無存康熙三年守道施閏章郝守李芳春等重建詳推官

鄭燧
記

高士書院

在北外廂學宮右萬曆癸巳提學錢楨建自為記歲祀鄉賢袁京于內置祠堂

五楹前講堂五楹兩廡書房各十間門樓牆屋俱備

王公書院

在東門外為侍御王相說建姜日廣記今毀

學田

明萬曆二十四年知縣尹從淑買何童學背民田六畝未經申詳年收租稱一百桶內將

四十桶完糧餘六十桶作本學月考支費萬曆三十二年知縣陳伯龍置學背魚塘一坵培整

學基萬曆四十四年守道鄒鳴雷買信義鄉民田五十八畝地名雙演歲收租一千餘桶除納

糧外餘作三分府二縣一以濟貧生立碑府學

社學

一在府治東一在萍實門外一在府治南一在袁山門外一在府城東二十里下浦今毀

分宜縣儒學舊在邑治東三十五步宋初建於邑西

五里宜和間遷清源渡嘉定間復建於西郊端平

元年知縣趙思恕初學舍自為記元至元二年縣

丞徐邦憲新明倫堂學士虞集記壬辰兵燬明初

丙午知縣張仁復建於邑治東故地洪武二十九

年知縣王思中建尊經閣厨庫廨宇景泰五年知

縣吳江新大成殿天順四年知縣吳倫重修成化二十三年知縣莫立之新明倫堂東西二齋知縣曹忠嗣修學士汪錯記嘉靖己酉都御史傅鳳翔行縣視學檄有司重修少師嚴嵩捐俸助役又道府准諸生議建敬一亭及鄉賢名宦祠逾五十年而坊舍隘塞風氣失利賢書希闕萬曆丙申署教諭李一色請於署縣推官徐之孟改闢戟門瞰江儀門見文筆峰知縣鄒元會竟其役外內敞豁文運漸振萬曆己未 聖廟傾圮知縣張三聘署教

諭王廷對拮据鼎新天啟崇禎間知縣張國經曹國祺洪名臣教諭夏應舉繼修

國朝順治十年五月大風雨 文廟傾圮康熙六年知府李芳春躬行按閱捐資重建棖桷維新

先師廟

東西廡

啓聖公祠

舊在明倫堂今在儀門左

櫺星門

舊有泮池後即江流爲池

戟門

宰牲房

明倫堂

舊

尊經閣

神厨

神庫

膳堂

舊二齋

尊德樂義

號房

公廨

學倉

射圃

敬一亭

在啓聖祠後

鄉賢名宦祠

在啟聖祠左右

鈴岡書院

廢久

書籙

學故無藏書明嚴嵩為南大宰入為大宗伯時再以書帙送學四書大全二十本易經大

全十二本書經大全七本詩經大全十本春秋大全十八本禮記大全十八本性理大全三十本聖賢圖位一本季順事實二本為善陰騭三本禮記正象八本南齊書二十本北齊書八本

陳書六本宋書三十本梁書十本魏書三十本周書十本唐書五十本隋書十五本五代史八本資治通鑑八十八本各臣奏議一百五十五本元史四十本樂書十二本程氏遺書六本西山

讀書記二十九本明倫大典二十四本鄉書大符龍飛錄二本三國志十五本文獻通考一百本海翁文集四十本文選二十本唐文粹二十本元文類十五本義勇武安王集二本玉海八

十本蘇文忠公集二十五本劉向說苑五本館則一本今失

學田

學故無田明大中丞常熟徐斌准程鄒守文請以匿報嚴氏官田分膳五學見張大史秩

記分宜學田在八廟前者九十八畝并官庄一區在就江者二十六畝在武源者田唐一十六

畝租銀歲徵備賑貧生今田仍舊而其糧合門斗輸納學官不與焉除完糧外租銀解學道矣

社學

正德在邑東門起運倉左一在邑治西明社學在七年知縣蕭時賓立今基址僅存

萍鄉縣儒學在縣西二百餘武唐縣令唐萼始建於縣東南二里許朱紹興間知縣邵濤因兵燹徙建

於尉司之右

學一

二十二年知縣程昌時復遷縣

右遷

乾道四年知縣趙公廩主簿袁采復徙縣西

之車田

三遷

其後邑令孫逢吉周世昌林環皆葺治

焉元壬辰兵毀明洪武四年辛亥知縣李順英始

謀重創又慮學宮依山距縣頗遠迺別立講堂齋

舍築射圃司教之宅二十八年知縣袁均正增建

尊經閣正統元年知縣劉敬建饌堂十一年知縣

鄧福建講堂弘治元年山水泛漲衝壞知縣

再遷西隅沈家冲之左

四遷

十七年知府朱萃知縣

張時孜以人才久替謀改建於縣南寶積寺東

五遷

正德十年乙亥知府徐璉知縣俞廷濟以隔河徙

遠從教諭俞章請復沈家冲原所

六遷

十二年丁丑

知縣高桂修嘉靖三年甲申副使查約僉事余珊

改建於西隅大街蓋自武德至是更迭七次周流

六地而後為今學焉日久頽廢丁巳知縣楊自治

修葺正殿堂廡以及齋舍二門夾道並植以栢萬

曆間知縣黃臺常自新署縣通判薛諫同知陶之
肖知縣姚一理繼修戊子洪水衝浸學宮傾墊知
縣陸世勣修葺立碑明倫堂三十六年知縣韓洵
四十一年知縣李維喬重修四十七年知縣楊烈
復修崇禎丁丑臨藍賊起癸未至壬辰兵寇絡繹
國朝順治十年知縣吳興祚次第修葺十二年知縣
刁之喬再修後 聖殿盡圯康熙四年知縣臺瞻
斗糾諸生重建知府李芳春力率同知孫席慶推
官鄭燠各捐助有差煥然一新

先師廟

東西廡

啟聖祠

祀典俱與府同

戟門

櫺星門

宰牲房

神厨

神庫

明倫堂

二齋

育材進德

膳堂

號房

尊經閣

公廨

學倉

射圃

在戟門右今分建昌文書院

敬一亭

制與府同

胡安之書院

在邑東二里宋胡安之讀書所安之嘗受業於朱子元末兵燬址存

宗濂書院

在邑東二十五里蘆溪鎮按沿革錄云宋濂溪周先生監稅是鎮嘗立書院鎮

西以授門人後人即其地建祠又於邑治南立濂溪書院皆祀焉元末兵燬址存明弘治間重建濂

建濂溪祠

昌文書院

明嘉靖末年知縣蔣時謨請建同知陶之肖署縣修葺

學田

嘉靖甲寅通判葛之奇置臺湖田六十畝餘戊午知縣楊自治增置上丹江水塘田二十

七畝有奇萬曆甲戌都御史徐斌又置田分給五學洋鄉得萍實里連喬村民田八十畝有奇

又置桐木市田一百四十八畝歲收租穀貯縣度支編修張秩記但原係荒田無人耕種以故

學租每歲不完極為民病萬曆二十二年知縣陸世勛以民人湯堯袞堯啟自願入官新墾下

楊柱塘田共三畝八分送學收租公用

社學一

西隅行府後今毀

萬載縣儒學夫子廟舊在縣東二百步宋崇寧間始

立學於通濟橋之東南乾道乙酉遷之古寺廟廢

為官舍淳熙五年復舊基其後邑宰王僕陳雄錢

邁相繼葺理元至治中僉憲薩德彌失延見邑人

江州權茶大使黃璧咨以修學之事璧以為已任

增設樂之屋廣兩廡移櫺星門至順辛未僉憲聶

延世以先聖像設弗嚴璧受命繪飭如初至元四

年殿棟撓前後簷雷壞副憲完顏至道仍以咨璧
凡三役璧皆出私帑爲之虞集記明初甲辰知縣
趙中因故址建廟學如式洪武七年知縣賈志通
修戟門兩齋射圃厨庫牲房十三年知縣崔進建
魁星堂後爲文會堂正統十二年知縣李燦修大
成殿成化戊子知縣陳璨重修張元禎記丙午知
縣黃珙以舊基隘復大拓地新之立奎文閣於明
倫堂後易櫺星門以石柱嘉靖間推官郭諫臣署
縣重修奎文閣左名宦祠右鄉賢祠後啟聖祠於
明倫堂右尚書吳山記萬曆二年殿廡敝壞知府
徐一唯重修萬曆六年文廟堂齋祠亭俱敝漏西
號舍宇傾頽知府鄭惇典知縣陳王廷重修萬曆
四十一年殿及廡門皆圮壞知縣倫應祥重修四
十六年知縣姚繼舜每年措銀五兩給學時圯時
修崇禎五年知縣韋明傑增修

國朝順治十三年教諭黃恢弘修有義耆部萬象子
廩生部士選士達庠生部士逢等共捐金五百有
奇修理文廟而兩廡僅存數楹康熙元年署縣新

淦丞李色新捐金議葺三年五月守道施閏章知府李芳春知縣范廷鳳修補兩廡各捐助有差

先師廟

東西廡 三十間

啟聖公祠

櫺星門

戟門 五間

宰牲房 久廢

明倫堂

順治間知縣梁大年改監未幾忝任復傾

神厨

久廢每遇祭祀俱於廟門下庖湏

神庫

二齋

成德達材

膳堂 久廢

號房

東西共三十六間

奎文閣

明倫堂後後朽敗為訓導宅今又移矣

公廨

射圃

在達材齋西久廢

敬一亭

張巖書院

在獲富里元臨江儒學教授文崖張氏立有禮殿祀先聖有祠奉周程張邵司

馬六君子張歿其甥榮氏加葺率族人就學焉虞集記今廢

學田

徐家塘庄田九十六畝七分七釐三毫六絲八忽二微科米一十六碩一斗七升八合一

勺五抄

社學

一在邑治東申明亭後一在雙虹橋東明天順七年知縣王鈐建今廢

壇壝

本府

社稷壇

府治西門外街北一里部宋州社壇明洪武初制天下立社稷壇其庫齋房祭器並頒式

建立每歲春秋仲月上戊日府官率僚屬致祭壇基東西廣四十丈南北表五十丈今仍舊

風雲雷雨山川壇

府治東門外街南一里宋元符祀式風師壇在西門外雨師壇在北

門外明洪武初頒式建立合為一壇歲用春秋二仲月上丁日後致祭壇基東西廣一十六丈南北

表二十丈

郡厲壇

北門外二里明洪武初立歲以三月清明七月望日十月朔日致祭周四百六十丈萬曆

四十六年宜春縣知縣廉養貞建公廳二為更衣之所今圯

宜春縣

社稷風雲雷雨山川厲俱附府

五穀壇

計一百三十六所在各里俱明洪武初立其制則周繚以垣中立土壇

鄉厲壇

一百三十六所制與五穀壇同

分宜縣

社稷壇

邑治西宋邑令程邁立明洪武七年知縣戴備訥奉制重立祀典與府同

風雲雷雨山川壇

東門外制與府同

邑厲壇

北門外

五穀壇

三十五所在各鄉都

鄉厲壇

三十五所在各鄉都

萍鄉縣

社稷壇 邑治西制與府同

風雲雷雨山川壇 邑治東制與府同

邑厲壇 邑治北俱明知縣陸世勛修 五穀壇 一百二十七所在各里

鄉厲壇 一百二十七所在各里俱明洪武初知縣李順英立

萬載縣

社稷壇 邑西二里赤硃岡制與府同

風雲雷雨山川壇 邑治南一里月臺山制與府同

邑厲壇 邑治北一里楊桐岡俱明洪武三年知縣韓或立

五穀壇 二十四所在各里明洪武十七年知縣胡子愚立

鄉厲壇 二十四所在各里明洪武三年知縣韓或立

祠廟

古侯國得祀有功德於其土者所以示報且明勸也袁諸祀多大賢令德足垂教焉其境內之神在常祀不廢兵興以來寢荒畧矣夫事神治民莫急於禮盍亦是務乎

本府二 宜春縣附

城隍廟 舊在府治西北隅明洪武初知府朱守仁遷宜陽門內報恩寺左相傳元萬戶李元奕故

元歷宋靖康末賜額顯忠嘉泰間封為靈惠侯瑞平元年詔封神穎陰威顯英靈昭應侯穎陰漢初功

臣灌嬰封邑相傳袁城嬰所築廟即祀之洙江以西城隍廟皆傳為嬰之神明初仍舊號洪武四年大正祀典稱袁州府城隍之神每歲春秋二仲同祭於山川壇歲清明中元十月朔府祭郡厲則迎神以主之朔望則府長吏率官屬肅謁初到任者先期祭於神而誓今仍舊

仰山古廟

府治南六十里仰山獼徑潭之側相傳管

屈宜春仰山遂同載而歸至浦東告別期至石橋相訪後徐至其處見二龍乃知為仰山神唐會昌初建祠於仰山之陽宋加王封元符二年賜祠額為孚惠豫章黃廷堅書元重修袁人事二神至謹禱無不應明稱大仰山之神每歲春秋二仲月府言擇日詣廟致祭弘治間知府朱華關路發石萬曆中知府鄭惇典重修四十年知府汪若冰再修郡人簡繼芳記

仰山正廟

府城南三十里地名堵田俗稱南廟自府城至古廟此為中路唐會昌間建元殿祥

重修廟宇弘敞後圯知府鄭惇典重修

仰山行祠

在宜春臺上相傳宋建炎二年金人寇城見黃衣白馬往來雉堞間賊駭異而禿紹

興間遂立行祠

關帝廟

在宜春臺下二十步元萬戶高伯顏立明重修府衛官歲有常祭

龍王廟

即報功祠治西七里唐李將順於此疏陂水入城民利之遂立廟以祀每春秋二祭歲久

廟圯明正德九年郡守徐璉重修又循舊堰疏決立浚渠亭自為記萬曆中知府鄭惇典重修今毀

止存一亭

三賢祠

府治廳左明洪武間推官陳谷表建以祀舉

祀唐司法參軍徐有功歲春秋致祭

韓文公祠

李翺自朱郡守祖無擇祠於府學講堂西以

鄭自誠重建長樂黃幹記明正統間巡撫都御史

韓雍知府姚文遷於宜春臺今址知府王炬續成

之學士錢習禮記嘉靖己酉知府劉廷誥知縣徐

枳修扁曰昌黎書院增建原道閣以課諸生歲久

漸傾知府鄭惇典修增屋三間以備庖烹四十一

年知府汪若冰修郡人彭自新記春秋致祭編門

子一名司香火明末鞠為茂艸國朝康熙四年

九月守道施閨章知府李芳春同知孫席慶推官

鄭燧捐貲重建堂廡巍然課諸生之尤者給廩餼

肄業書院中宜春進士袁繼梓共襄是舉詳鄭燧

記康熙己酉知府李芳春清助書院

學田共拾貳頃叁畝伍分捌厘陸毫

名宦祠

府學文廟戟門左祀唐袁州刺史房瑄李將

仁瞻宋知袁州祖無擇徐師閔前給事中編管袁

州陳瓘袁州監酒鄒浩知袁州張杓元同知孫思

導向欽知府王猷宜春知縣蔣應震知府黃鳴喬

鄉賢祠

府學文廟戟門右祀漢季廉太守陳重高士

宋進士彭俞元學士歐陽玄署本路同知彭繼凱

明尚賓館副使劉廸簡大常寺卿黃子澄四川布

政使嚴孟衡吏部主事蕭義都御史高琬大理寺

卿李香工部主事宋希堯南京鴻臚寺卿袁業泗

以上二祠春

五賢祠

即秀江書院係嚴氏故宅祀宋萍鄉監稅先

鄭惇典移建歲春秋致祭先是宋郡守張杓祠周

程於府學講堂東為三先生祠朱熹記元季兵燹

明正統間都御史韓雍命改遷於宜春臺右錢習

禮記正德七年知府姚汀重修後移建萍實門外

增祀朱熹張枳曰五賢祠地僻隘知府

鄭惇典與同知湯明善議改今址後毀

李衛公祠 府城西北五里化成巖之側祀唐李衛公

朱紹興十九年尚書汪應辰判是州為之立祠慶

元間郡守李詵重修明嘉靖三十八年知府李德甫復建祠於故址萬曆乙卯知縣錢文薦請祀春秋知府黃鳴喬有祭文

袁高士祠 即高士書院歲祀鄉賢袁京在宜春縣學

自為記今止存正廳及寢室門屋

袁天罡祠 在譙樓上按先生開五井以固風水大有

又修鑄天罡原造銅璿璣於觀天臺自為記歲久盡圯康熙六年郡守李芳春重建

盧狀元祠 在盧洲文標閣先生故洲明萬曆戊午知

府黃鳴喬請祀春秋郡人并祀袁公業泗

侯祠 在宜春侯立於春及苑因葬臺下西北

宋咸平間立廟民趙敏中重建又府治東南有王子廟今俱毀

都官祠 在城北七里祀唐都官郎中鄭谷今毀

龍圖祠 在府學講堂西十二步祀朱龍圖學士祖公無擇今毀

王待制祠 在府治東南宜春臺下待制諱古朱紹聖

鄉簿趙鳴鐸記後郡守辛丙移祀於仰山復為記今毀

忠烈祠 府城東一里祀宋少保鄂武穆王岳飛及其

功僉事余珊建萬曆四十五年同知李瀚修邑人朱志記歲久圯崇禎庚辰鄉紳袁業泗鼎建改左

武大夫張憲及王子岳雲後軍義勇施全配享并置香火田三畝

徐公生祠

東門外為明巡撫都御史徐斌建嘉靖間
田產以脫賠補軍需之苦民愈戴之
不忘建祠祀焉新喻張春記今毀

分宜縣

城隍廟

邑治西四十步明洪武初知縣張仁建祀
典同府國朝康熙元年知縣朱集修

仰山行祠

在鈴岡之巔每歲春秋仲月望日有司致
祭明崇禎癸未張獻忠寇袁祠宇悉燬今
構數椽迥異蒹制矣

各宦鄉賢祠

祀名宦朱郎簡王揆尚輔謝諤許及之
明張仁戴脩訥陳繼宗周瑛吳江吳瑞
莫立之曹忠吳蘭應昌夏思義李藩曲入繩鄉賢
漢陳重唐盧肇宋孫億趙若燭趙杞材明劉仲賢
黃子澄嚴孟衡李香袁怡宋希堯嘉靖末以
二祠併修聖祠改明倫堂東即嚴氏世德堂

邑令祠

邑南大清里元至正壬午楚文公歐陽玄率
族子所性立祀祖南唐宜春合殊後以玄配

陳重祠

在邑北

航江水府廟

邑東五里世傳土人李公者歿為神子
孫因祠祀之祠前有亭濱江為迎餞之

所今正廟俱燬僅存前門

閱城君廟

邑西昌山渡相傳有閱城人温姥產龍伯
龍伯謂君將為江西縣令募後果宰宜春為立廟
龍肇記地當孔道廟宇傾圮國朝知府吳南岱
檄修未竟嗣知縣朱集次第修葺康熙三年巡撫
都御史董公衛國發三十金諭縣鼎建前亭層楹
飛欄觀

管加盛

黃太常祠

在分宜縣治明正德中知府羅輅知縣嚴
鳳訪太常卿黃子澄故地祠祀副使邵銳

記萬曆六年知府鄭惇典檄知縣趙夢日重修額日表忠十四年知縣周應治置祭田三十八畝五分有記四十七年知府黃鳴喬修復其祖墳立碑有祭文至今四十餘年祠圯未葺見在修復

萍鄉縣

城隍廟

在邑治後招賢坊舊在縣後車田明洪武六年知縣李順英改建萬曆八年知縣常日新修二十一年知縣陸世勣重修後兵燬國朝順治十年知縣吳興祚捐俸給工邑增生許科助修

祀典
同前

鄉賢名宦祠

祀名宦唐縣令唐萼宋知縣張希顏鄭強何異王謙孫逢吉明何正張時孜教諭郭大治鄉賢朱知州楊夢祥黃衮朝散大夫朱彥博循州知州湯夢觀理學胡安之象州推官黃褒明監察御史簡迪舊在儒學西廡旁御史簡迪署縣同知陶之肖改建

楚昭王廟

邑北安樂鄉楚山下世傳楚昭王嘗與吳

耳卓廟

邑治東五十里晉耳卓從元帝渡江有功拜豫章太守嘗領兵萍鄉東歿於玉敦之難廟食於此靈應顯著明重建有司春秋致祭萬曆中知縣陸世勣修

册岡廟

縣南一十里晉末邑人潘徽羅敷傳康三人糾民兵捍寇及卒邑人徐鉉為書扁立廟祀之宋祖無擇嘗禱雨有應明重修

天符廟

在縣南二里許山上邑人呼為高山廟其山屹立頂上有井晉太和間民多疫乞水於井俱獲愈邑人蕭居齋立祠元季兵燬明洪武元年湯文史重建再燬正德乙丑侍郎焦宏時為方伯率知縣鄧福重創萬曆中知縣陸世勣勸民重修

王子廟

邑治西即定王子宜春侯成

濂溪周元公祠

在邑東蘆谿舊為過客憇駕之所明萬曆戊寅巡撫都御史劉堯誨檄知

府鄭惇典署邑同知陶之肖卜地改建今祠規制稍壯即元公故地也萬曆間署縣事通判陳啓孫

重修

鄭公祠

在邑治蘆谿市五里為宋宣和令鄭強立強令存多惠政民思之至為廟祀歲久湮圯萬

曆六年同知陶之肖署縣拓基改建

五賢祠

祀宋儒程頤程顥張栻朱熹及縣人胡安之以上俱毀

萬載縣

城隍廟

邑治東北明洪武勅縣丞馮原禮即元紅巾劉仁故居改建弘治間知縣張文重修祀典

府同

名宦鄉賢祠

祀名宦唐刺史李徵古宋知縣冷應徽林景達明末清鄉賢南唐太保青陽公

宋齊丘明晉府左長史前浙江按察司忠臣龍鐔刑部左侍郎郭瑾貴州左布政使易節汀州府知

府李瓊祠在奎文閣左右

仰山行祠

西二十里奇岡市元丁亥歲旱縣達魯花赤萬奴祈雨有應命邑人楊俊修今毀

兵衛

袁地竟江以西交湖湘瀏陽上高諸境盜出沒時

警畧與顛同故上游諸郡惟袁顛設衛守之承平

日久武衛尸其職而屯伍不均軍大道耗田多荒

沒衛為虛具矣

國朝爰設協鎮駐防而造船領運之役衛所猶仍明
初全額其何能支討軍實而減船額或少挑其萬
一也謹據古今以告來者

國初袁州協鎮設副將一員都司二員守備二員千
總四員把總八員轄戰守馬步兵一千六百名歲
糜俸餉銀三萬二千八百兩有奇順治十三年巡
按江西鄉史笄重光據分守湖西道田厥茂議疏
請裁將領以省虛糜以裨實用其畧曰設兵原以
固圉設將原以練兵兵不知簡將不習兵是以兵

與敵也袁協鎮兵一千六百名今奉調閩楚併缺
額共六百九十餘名實在兵丁止九百餘名而猶
設兩都司兩守備四千總八把總不幾十羊九牧
乎兵欲足額非招募不可而招募實難別營之逃
卒既無籍可稽土著之懦夫雖有稽無用計莫若
擇土著之精強者招補足一千名之數仍以副將
彈壓而止以一都司一守備二千總四把總分理
之相地置兵因兵設將此亦兵將之適得其平也
疏奏 詔可之於是始議畱都司一員守備一員

千總二員把總四員而兵制漸定無糜餉之患矣

附癸巳年袁推官王延禔兵議 按袁郡在承平

昔止有團操民兵三百一十八名分防鄆縣以及

插嶺慈化兩隘每名工食歲八兩六錢四分守令

提調不敢恣橫迨崇禎六年流賊四起知府田有

年始詳設標兵百名把總一哨官二統領以防萍

鄉之插嶺關又編僧兵百名更番以防慈化喝斷

山挑選衛軍之壯者給以雙糧使互相城守是猶

無損於公家也崇禎十年流寇犯袁府屬紳衿議

設義兵宜春萍鄉各三百分萬各二百士民炤糧

助餉崇禎十一年撫院解公發省營兵四百名使

把總一員哨官四員統之屯萍鄉西城外十六年

獻賊犯袁總鎮左良玉兵踵至追逐於是賊梳兵

竄地方騷然矣十七年江督袁繼咸宜春人也遣

標將謝騰雲率兵千餘防袁餉則司餉也

大清定鼎袁土初入版圖長沙尚未向化所在伏莽

竊發委將郭天才鎮袁兵丁廝役等共二萬餘名

順治二年部推副將尚登第協守始有專官是設

兵將每年約俸餉銀三萬二千八百兩有零此素
郡設官之原委也今外患內憂均難弛備然去歲
鄰警仍求外援潯鎮兵來但聞擄掠蕪都司防禦
萍鄉所部土兵盡逃止統親丁捍禦幾懼不測土
兵之緩急不足恃即此槩見故知將不在高鉞而
在勇怯兵不在多寡而在精練果能實心簡練不
冒虛糧堪戰之兵雖數百可也多復何益倘謂兵
少則戰守難兼顧不知守兵在城何嘗登陴警夜
自盡游行里巷或邀截柴米蔬菜或壓買雞豚砍
伐樹木或離伍貿易串引叛僕且一隸兵籍即通
抗錢糧甚有族黨姻戚俱為包通使長吏束手而
莫可問又有部氓一委以千把之職即乘馬蓋黃
抗揖長吏至有操其長短者兵丁即守令薪米攘
奪不怨平民可知也此輩肆橫監司亦未遍行法
則守令可知也戰守機宜府縣槩不與聞一有疎
虞不免先受處分恐府縣亦不任受也今欲使兵
民相安莫若使兵有制而畏法欲兵有制而畏法

黃若使之稟令於府止設守備一員千總二把總
四兵一千名以三百駐萍鄉一千總總之令分防
挿嶺慈化喝斷山等處二百駐萬載一把總統之
防湖南劉易一百駐分宜亦一把總統之以備不
虞四百駐府城擁衛根本不肯策應知府總其大
綱各縣分其訓練兵不擾民民不苦兵一旦有急
可恃以無恐矣至於守兵又有可議者彼妻子墳
墓多散住各鄉猝然有事欲閉之城使爲我捍
禦必不得之理也計莫若慎選府兵而操練之夫
營中守兵一年計食餉十二兩府兵每年僅八兩
六錢四分猶之土著也一兵較減三兩三錢六分
畱原額民兵卽減去守兵三百一十八名當減餉
三千八百三十六兩再招足民兵以合八百之數
卽減餉一千六百一十九兩零待人數既足後漸
裁營中守兵是袁州仍存一千六百戰守之兵而
袁已去八百名之實也但此議所關甚大遇變而
兵將奔潰責不及兵將無兵而少有亡失則咎歸
議裁之人此日後之慮也目前不密一露此言則

禍且不測此旦夕之慮也
袁人相傳爲切中時弊云

袁州衛官

明制每五年撫按司道會案考選能官更番印運
并操屯等差

國朝部推掌印守備一員

部推左右中前後五所千總五員

一衛址

衛在府治東八十步明洪武元年設指揮使司左
右中三千戶所及經歷鎮撫司十三年增設前後

二所共領五千戶所永樂二年立屯一十二處

正廳五間明指

鎮靜堂正廳

經歷司正廳左經歷

鎮撫司正廳右有

旗纛廟正廳

衛倉衛治內東北隅洪武十九年指揮石原立

左右中三千戶所在府治東南熙春坊

前後二所俱府治東熙春坊下今廢址民

軍器局舊在府治東二百五十步宜春臺下明洪武七年韋富立嘉靖中改建兵備道復遷

府治西南柱國坊天符廟下

教場在府治東宜陽門外將臺一所演武亭三間明景泰七年立嘉靖中移亭東面割地一十

五畝與嚴民後入官

衛店房八十三間共租銀七十五兩五錢七分該衛動支作各項公費

一本衛軍數

原額軍二千戶舊志見在操運精局門哨各差正

餘軍共一千六百四十三名後屯運逃亡節年兵

寇丁亥奇荒順治六年止存屯丁一百九十六戶

屯運二差俱在內又時逾十餘年逃亡十餘戶比

之原額一千六百餘戶所存不及十分之一矣

一本衛運船

明初額船一百隻正德間宸濠之變南昌兵冗分
撥二十隻到衛本衛船多軍累於萬曆間屢控院
司乞將南昌衛撥來船二十隻盡數撥回以甦哀
軍奉批止撥回十隻歸南昌衛尚餘十隻未還以
致本衛運船額載一百一十隻每船編軍一十一
名共一千二百一十名催運軍伴五十九名時每
船該軍三銀二十一兩九錢民七銀五十一兩一
錢及封底心銀十兩共八十三兩本旗親領造船
除領官價之外尚多賠墊然彼時缺船頗少衛軍
殷庶以數十戶合造一船甚易明末袁郡七遭兵
燹衛軍十不存一漕船被燬被奪竟無一存

國朝順治六年始百計搜僉前後造船一十九隻衛
弁叅罰日至又將見運船內幫丁撐攜丁析僉朋
造九隻而舊船滿料者復有八隻則仍是二十隻
之數衛無餘丁船難足額康熙四年知府李芳春
同推官鄭燭以袁衛凋殘獨甚漕船僉造無人等
事具詳守道施公閏章轉詳巡撫部院董公衛國
仍移署糧道分巡周公體觀蒙議以淺半減造量

裁三十七隻在袁衛已邀浩蕩之恩尚存七十三隻終是以蚤負山誠計不知所出也

附守道施 詳稿其畧曰衛所疲苦所在有之而絕軍缺額無如袁為甚也按明初衛軍六千餘戶額造漕船一百一十隻在管五六十戶令造一船除額官價外雖有賠墊時財豐物賤眾擎易舉迨本朝定鼎各軍歷役三百餘年矣疊遭兵火丁銷船燬所存衛軍不過一百九十六戶不及原額三分之一前後搜僉共一十九艘見丁力盡萬不得已又於見運船內抽擇撐搗幫丁朋造查己陸續僉造九隻成功未幾而蒲料舊船又有八隻即使新僉數船告竣僅可補二十隻之數而正丁幫丁撐搗丁已僉一百五十餘戶此皆賣產折屋鬻妻典子膏血竭矣餘多赤貧無依勢急流亡據詳見運棄船潛遁者九名見造離散遠去者四名又新僉夜遁與欠糧避徵者各十三名雖多方追捕獲

脫愈遠本道先經痛陳袁衛情形詳矣該府廳以勢迫計窮竊思船為糧設每船例載米五百餘石今止就瑞州府所減浮糧九萬九千餘石約計可省漕船百餘隻即酌裁窮衛缺船之額數於漕政無損且免造船數十隻公家得省料價與行月糧等銀萬有餘兩軍丁得免賠墊雜費不可勝計上裕

國計下恤軍隱實有裨益本道非不知漕額重大而萬難取足不敢緘默合請本部院俯念艱苦因時變通題請豁減使見運者稍得甦息疲憊者可免流亡積困除而漕務濟矣

附署糧道周 詳稿其畧曰袁衛軍船缺額之多與屯兵逃亡之甚僉造之難已備悉疊詳荷蒙具題在案矣今准守西道咨據該府廳詳請以瑞郡城浮漕米裁減該衛缺船查減浮漕米久奉前總漕部院題減江南八幫船隻則是該府廳所議實不知久行紹減亦於江南協船除去無庸置喙者

也但袁衛流亡始盡倘不爲一變通補救之術將
少至盡逃而後已非因時制宜之善策也再四思
維惟有炤撫州建昌事例以淺半計算減造船隻
將袁衛額船一百一十隻裁減二十七隻止造七
十三隻查建撫二所丁缺未如袁衛之甚而裁造
不得額糧運數則袁衛之堪憫以減造猶未能強
足誠不能復問原額徒使
上下各官受缺船之累矣

按袁衛缺船之苦系牘難盡百計無補今當事仁
人君子愷切詳議得減三十七隻爲德匪細故具
載其詳文以誌不敢怠然而袁軍之流亡終不能
救也然則如之何口事窮則變變則通在管南昌
以宸濠之變南軍急在守城不暇屯運而袁衛弁
丁又多故暫移船二十隻俾袁軍帶運非原定之
額也今袁軍殆盡南昌衛軍強應將未還之十隻
盡數撥回南昌可也又查漕運議單一欸一所缺
軍本衛僉補一衛缺軍通漕僉補今袁軍十不存
一應將袁衛缺船從長酌議於通漕酌派僉補而
本衛僅留三十隻度乎殘軍苟延屯運不廢當事
者其熟籌而力拯之

一屯田

原額屯田七百九十戶窶落四縣及湖廣瀏陽等

處初制五所爲五十伍每一伍爲一甲後以十戶編爲一甲催趨屯糧舊例每戶納米六石共四千七百四十石後例每戶追折色銀一兩二錢徵本色米三石共銀九百四十八兩米二千三百七十石尚不敷一年軍餉明萬曆戊子水旱拋荒屯道行府扣各軍月糧抵對完屯屯軍節年援例名目對支在軍爲便而屯田因之埋沒後益失考入

國朝諸衛軍請食月糧盡改克兵餉袁衛軍並無請糧不得藉口對支今原額屯田七百九十戶內無

主荒蕪四百九十二戶止存有主荒蕪并成熟屯田二百九十八戶每年正額銀七百六十七兩四錢二厘四毫又加增一百七十八兩八錢二分實在屯田八千九百四十一畝計田課糧額解已定自十餘年補造孔亟丁逃產絕額解不敷每年以印屯官役俸食捐抵尚苦不足抵額而各丁遠逃節年捐抵之外窮丁逋欠益多屯戶絕煙者什七而屯田無覈者又什之九額解銷銖半屬賠贖軍困莫支不至衛無一軍不止救焚拯溺誠今日亟

務矣

一軍器

明每年本府給發軍三民七銀二百一十一兩八錢八分四釐發各軍匠買料造完呈府驗明軍匠自造自解進京上納取獲部批在案今俱徵銀

附順治十一年袁州衛弁妄扳遠軍平民袁州遠衛紳士公呈 呈為減制編軍欺國陷民事遠近二軍原自迥別有本衛軍戶隸役表伍積享屯利應當運差有各縣軍籍因祖遠戍或同戶或同姓或里絕歸甲甲絕歸里隨緣軍以各籍自耕民田當民差彼地消乏勾克補伍故籍雖名軍戶役各異今袁州衛嘉賄同衛弁捏稱班軍名色妄扯四縣遠軍幫造不思袁衛額軍坐享本衛額屯不當

民差止克造運典例炤然某等世當民差世補遠伍倘遭誣陷見今民戶何人當役異日勾補何人承克且四縣軍籍千有餘家祖宗因罪發遣遠戍子孫無辜復承戍本地 朝廷有此令甲乎若謂編定本地然後開銷彼軍是在外者止克一身之軍而在本地則遣全家之戍也伏懇安集民生立碑永禁庶衛弁漕軍不得行蠶食之計矣

袁州府推官王延禔申詳 袁民之隸於軍籍者皆其祖父荷戈於各省而其家族編民於本地因祖父戶名謂之軍籍若袁衛又皆其祖父由外省而遣戍於此者也版籍昭然軍民不紊且有軍卽有屯僉造僉運是其分內事若軍籍之民世克民差其族屬當班於異省而為軍者焉知不苦於造苦於運乎乃衛弁與積蠹巧僭班軍名色朦朧混申欲僭軍需重務而陷億萬生靈驅順則之民編為有罪之軍漕務雖云孔亟無故而推民於水火聖明亦所不忍也况彼為世軍兎爰物外此為世民雖罹局中袁衛多一軍戶則袁郡少一民差現在

差徭又誰為承克各省勾補又誰為頂替耶論極
凱切知府吳南岱復為申請糧道王嚴禁濶僉
民得
魁焉

按軍喬僉運之謀萬一混行袁民一路哭矣王公
力諍之方張之時吳公繼請之行查之日仁言之
利溥哉

附康熙三年九月內因袁衛屯丁李袁生等為袁
衛軍船缺額信會成例可援叩天按籍清勾免
致偏枯獨累事又據闔郡士民周重六夏茂華盧
湖等為刁軍滅制貌案裁隔遠衛旁支籲天大
破羅織救民水火事俱控巡撫部院董奉批仰
督糧道查報奉道牌行到府蒙本府知府李芳春
同知孫席慶推官鄭燦會詳分巡南瑞帶管督
糧道周奉批查冊俱繫袁州民祭外省遠衛編軍

者似與袁衛無涉仰候轉詳行繳隨奉督糧道
程憲票前事奉巡撫部院董批據前道呈詳袁
州衛屯丁李袁生袁州府士民周重六等請新兩
詞行據該府廳公審同覆免造緣由奉批查江省
衛所承造領運皆係屯軍蓋屯軍原領屯田已享
屯利造運之役誰所難辭而周重六等既非袁衛
之軍又未食袁之屯李袁生等何得牽告幫造仰
道嚴行禁絕仍將為首之李袁生重責示儆繳奉
此合就抄詳行知為此仰府查照粘抄備奉
院批事理即將首名屯丁李袁生責懲仍移會軍
刑各廳併轉行袁州衛及宜分萍萬四縣一體遵
昭

倉儲

賈生日積貯者天下之大命也漢立常平唐宋有義社以便民也袁倉庾初苦侵牟小民不得沾尺寸後兵寇頻仍卽千箱不堪一炬矣司牧者議更新而屏中飽庶此予遺其有望乎

本府永豐倉

舊在府治西北三十步明宣春知縣陳宗虞改建府治南繡衣坊卽三登坊萬

曆四年知府鄭惇典修建倉廩六間後毀國朝知府吳南岱重修後改建府治東迎曦樓左

提學公署廢址

預備倉

在府治東報恩寺側明宣春縣廉養貞修築稱便焉今毀

東倉府城東十五里地名

西倉府城西三十里地名

南倉府城南三十里地名

北倉府城北三十里地名

水次倉張本嘉建以貯南米今毀

宜春縣附府

分宜縣

濟留倉水南一里明

城隍倉舊在城隍廟側明知縣莫立之因地勢有

間

東倉邑東二十里儒

西倉邑西二十里化

南倉邑南五里地名

北倉邑北六十里文標鄉地名

石鎮倉邑南八都

美塘倉邑北三十里

漿源倉邑北十八都俱明景泰初

萬石倉水南一里東西兩廡明弘治間知縣吳蘭

未兵

水次倉即起運倉原邑治東門外風雨壇側明萬曆二十八年知縣馬孟禎建崇禎丁丑楚

寇犯袁知縣洪名臣議以倉址改為營房安插
添設官兵其起運倉屋移城內南門隙地建二
十四間以貯
南米今存

萍鄉縣

存留倉

邑治西六十步明洪武二
十八年知縣袁均正建

預備倉

邑治西百餘步朱淳梁肇建明正德十二
年知縣高桂修嘉靖三十七年知縣楊自

治增建萬曆二年知縣黃臺重建官廳
團砌磚牆貯學租縣丞祝繼仁督理

社倉

一在邑治西城隍廟右一在縣東九十里新
安里泥源日東倉一在西南四十里永寧鄉

長豐里嚴溪日南倉一在縣西四十里歸聖鄉
大寧里何家村日西倉一在縣北十五里遵化

鄉清教里院前村日北倉按宋社倉自郭至
鄉凡九有朱文仲跋鍾詠朱熹記語具藝文

便民倉

在蘆溪貯南米明
知縣陸世勣修

近民倉

在宣風因桂率鄉米寄民倉不便明萬曆
二十年知縣陸世勣因舊社倉地建倉厥

官廳門
垣如制

萬載縣

東倉

邑東三百步
城隍廟側

西倉

邑西六十里
地名大埭頭

南倉

邑南二十里
地名高城

北倉

邑北三十里裏裕街俱
明知縣陳燦立今並廢

預備倉

邑城南明正德間知縣張邦穀立萬曆三
十七年洪水驟衝浸腐穀以千計倉吏斃

歲四十七年知縣姚繼舜相舊基卑下累土築
高三尺重整四版中為官廳旁設吏卒舍以便

稽覈防守
以絕水患

水次倉

在邑北龍河濱歲儲南米明隆慶間知縣胡文光建後知縣徐一唯修萬曆二十七年

年知縣畢懋良修崇禎八年知縣韋明傑修

澗田倉

邑北三十里

牟村倉

邑北四十里

進城倉

邑西四十里

株樹潭倉

邑西六十里明知縣畢懋良立

新市倉

邑北七十里明天順二年知縣梁高修

官田倉

邑西七十里明弘治初知縣黃琪立已上俱毀



